



O CABESO

VOCEIRO DA ASOCIACIÓN DE AMIGOS DA DORNA DE PORTONOV · Nº X · ANO 2011



**TEMPORADA DE
VERÁN DO 2011**

**IV REGATA
DO SEPELO**

**ASOCIACIÓNS DE
EMBARCACIÓNIS
TRADICIONAIS
NA RÍA DE
PONTEVEDRA**

**X ENCONTRO DE
EMBARCACIÓNIS
TRADICIONAIS
DE GALICIA**

EDITORIAL

Como cada ano por estas datas presentámosvos un novo número de O Cabeso, dando por satisfeita unha vez máis a obriga da directiva de manter a publicación regular do voceiro da asociación, tal e como vimos facendo nas últimas temporadas, á vez que aproveitamos para ofrecervos unha viaxe retrospectiva por todo o acontecido neste ano, que non foi pouco.

Ollando cara atrás no calendario resulta imposible non facer balance do conseguido ata agora. Así, podemos sentirnos satisfeitos por ter representado un verán máis a Amigos da Dorna de Portonovo en moitos dos eventos organizados ao abeiro da Federación Galega pola Cultura Marítima e Fluvial, con especial consideración polo X Encontro de Embarcacións Tradicionais de Galicia, en Carril, onde tamén estivemos presentes.

Alén de verbenas, traballamos ao longo do ano para organizar os eventos culturais de costume, cumprindo dese xeito co compromiso adquirido con todos os veciños de Portonovo. Con esa idea puxémonos mans á faena a principios de febreiro. O Enterro da Sardiña estaba á volta da esquina e nós queríamos ter todo disposto para honrar como merece o pasamento desta ilustre veciña. Por fortuna, un ano máis, churrasco, filloas e viño non faltaron, así que a festa, non puido ser mellor.

A finais de abril abandonamos temporalmente os traballos no local para montar no stand da Festa da Raia unha interesante exposición fotográfica sobre a historia da asociación titulada "13 anos de Amigos da Dorna de Portonovo" e que agora podedes visitar na nosa sede. E un mes despois, a comezos de xuño, convertíamnos por un día a Portonovo no epicentro galego das embarcacións tradicionais coa celebración da IV Regata do Sepelo. Un evento ineludible para moitos compañeiros chegados de diferentes portos das rías de Arousa e Pontevedra, que serviu para inaugurar unha temporda máis o calendario oficial da F.G.C.M.F.

Pero antes de izar velas cara o Encontro de Carril aínda tivemos tempo de organizar unha Cachada de San Xoán xunto coa Asociación de Veciños, Avante e a Comisión de Festas, e na que

houbo sardiñas, churrasco e viño de balde. Todo un clásico! Mais se por algo deberíamos lembrar o ano 2011 é por ter resolto as nosas dúas grandes preocupacións nos últimos tempos: a cesión do Platuxa e o acondicionamento do Local.

A comezos de xuño acudimos ao notario para firmar a acta de cesión do “Platuxa” ao Concello de Ogrove. Así, tras moitos meses buscando unha alternativa, aceptamos a proposta do Centro de Interpretación da Pesca e a Salga de Punta Moreiras de incluír o barco na súa exposición permanente. E unha semana despois enfilaba a proa cara terras mecas, deixándonos cun conflito de sentimentos encontrados, mais coa convicción de ter tomado a decisión correcta para garantir o noso futuro.

Case sen tempo para asimilar a boa nova, na véspera de Regata do Sepelo festexamos a inauguración do local cunha sardiñada popular. Se o do Platuxa foi complicado, isto bastante peor: dez anos de negociacións con diferentes administracións para rematar ocupando, saneando e rehabilitando -durante doce intensos meses- nós mesmos un espazo esquecido e que hoxe, despois de décadas de abandono, está cumplindo unha función social. Agora toca seguir traballando en solucionar os problemas legais que supón a súa ocupación pacífica pero sen documentos.

Como vedes, vivimos nun tempo de cambios. Esperaremos que sexan para ben e que nos animen na procura de novos obxectivos. Pola memoria dos compañeiros que nos deixaron este ano!



Celebración pola inauguración do noso local



El Estanco

PORTONOV

VERÁN DO 2011

Este ano abriuse a veda das regatas de dornas en Portonovo, o sábado 11 de xuño, coa IV Regata do Sepelo. Nesa mesma fin de semana celebrábase o IX Encontro de Embarcações Tradicionais de Vila do Conde, que os nosos irmáns portugueses organizan cada ano e no que nesta edición non pudemos participar por mor da noso propio compromiso.

Na seguinte fin de semana tivo lugar a XXVII Volta a Arousa, o campionato mundial da clase dorna, ao cal asistiu a "Habana" con Rafa, Anxo e Xoel, tomando boa nota do que lles agardaba durante o resto da temporda. Houbo vento, emoción, encalmada, aburrimiento e finalmente tensión na meta por acadar unha boa posición.

Despois de dúas fins de semana destinados en Vilaxoán e Carril tíñamos a intención de revivir un ano máis -*por terceiro consecutivo*- o Encontro de Muros, porén houbo que abortar misión por mor do mal tempo. No seu lugar decidimos participar na Regata dos Faros, que organizan os nosos compañeiros da "Dorna Meca", e así o sábado 9 de xullo desprazouse ata Ogrove a "Habana", con Anxo e Xoel xa incorporado como tripulante titular.

Por culpa do tempo tan inestable tivemos que agardar ata mediados de agosto para continuar a nosa particular peregrinaxe polas regatas e concentracións de embarcacións tradicionais. Mais mereceu a pena a espera unha vez chegadas as citas ineludibles de Bueu e Combarro, por esa orde.

Como non podía deixar de ser, os Amigos da Dorna de Portonovo atravesamos a ría un ano máis en busca de bo ambiente, de festa, de mar e sobre todo dunha fin de semana en familia. A "Jatiña" e a "Surfeira" navegaron por augas de Bueu, Cela e Beluso nunha tarde de encalmada e calor, para logo seguir coa festa en terra a base de gaita, baile e tinto, e todo do país. E en Combarro... ai en Combarro! A participación dos Amigos da Dorna foi masiva, como de costume. O venres puxemos rumbo cara o fondo da ría, a "Jatiña", a "Coninha", a "Bicoca" e a "Habana", esta última coa tripulación máis xuvenil: Xoel, Antón e Airam. O sábado enfilamos á praia desmilitarizada de Tambo para tomar uns baños e motivarnos para o que nos agardaba pola tarde: a Regata da Pamplina.

Primeiro a remos, e non é por fardar, que fica feo, pero levamos anos copando o podio. A "Habana" foi primeira, con Anxo e Milú, e a "Bicoca" terceira, con Turtel e Chapela. Logo, na regata a vela, a "Jatiña" tivo dura puxa coas da súa categoría, nunha regata na que os galeóns centraron a atención do público.




A "Jatiña" rodeada de galeóns durante a Regata de Combarro

En setembro tocou despedir o verán en Ons, así que alá marchamos nun venres de sur suave que foi a más e que á noite xa era unha boa surada acompañada de moita auga. Pero o día seguinte clareou e nós, "Os Galos", os majetes do Clube Mariño Salnés e os compañeiros de "A Reboa" montamos un desembarco de categoría a base de cantiga popular e churrascos varios. Pero o domingo tocou facer a manobra do ano pasado, voltar para terra no "Delfín Primeiro", e xa viremos a polas dornas!

E non rematou aí a historia, porque aínda ficaban dúas regatas en Ogrove, a de Porto Meloxo e a do Marisco. En ambas participou a "Habana". En Porto Meloxo, con espectacular saída desde terra, Anxo e Xoel colieron boa posición de inicio, pero non foi cousa doada manterse e remataron na cola do pelotón. Na do Marisco, cunha brisa moi lixeira e unha correntada descomunal, a "Habana" pasou cuarta polo primeiro punto de control, mais aí rematou a cousa, porque daba pena ver as dornas ir para atrás coas velas carghadas polo pouco vento que había. Como xa dixemos, a correntada era dura.

Así rematou o 2011, ano do X Encontro e dun contexto económico adverso, pero tamén de colaboración por manter vivo o patrimonio que desde esta asociación defendemos como propio.



IV REGATA DE DORNAS DO SEPELO

No sábado 11 de xuño tivo lugar a IV Regata do Sepelo, que como ven sucedendo nos últimos veráns serviu para inaugurar o calendario oficial de actividades da Federación Galega pola Cultura Marítima e Fluvial. E aínda así, coas dornas ultimando a súa posta a punto de cara ao Encontro de Carril e os tripulantes iniciando a temporda deportiva, puidemos asistir a unha emocionante competición, na que mediron as súas habilidades mariñeiras compañeiros chegados desde a Illa de Arousa, Vilanova, Cambados, O Grove, Combarro e, con certeza, Portonovo.

Á tarde as condicións meteorolóxicas eran óptimas para a navegación, cun ventiño soprando do norte e co mar totalmente en calma, algo de agradecer se lembramos os contratempos que se produciron no ano pasado por culpa do exceso de vento. Así, con puntualidade, ás 16:30 estaba todo disposto para que as 27 dorsas asistentes tomasen a saída.

Da competición en si non hai moito que contar, alén de que, como sempre, os máis ávidos coa escota a as drizas mantivérонse a bo ritmo na cabeza da regata, desde o inicio ata o paso por meta. Con todo, a puxa pola vitoria estivo moi disputada. Semella que xa se tiña corrido a voz de que este ano os trofeos eran de moita categoría. Así, tras unha saída igualada e unha vez superada a baliza do Bicaño, foi no tramo cara o Seame que algunhas dornas comenzaron a mostrar as súas credenciais de cara ao triunfo final. Nelas andaban os da Arousa e os de Ogrove, e entre uns e outros deixaba ver a proa a nosa querida “Habana”.

Cun vento moderado pero constante, para algúns o paso polas balizas foi coser e cantar, ou mellor dito, empopar e bolinar. E así, en cousa de hora e media atravesaba a meta en primeira posición a "Nécora", seguida moi de perto pola nosa querida Rosa, quen quixo resarcirse da "*aventura Pirrakas*" do ano pasado, acadando xunto con Santi a segunda posición a bordo da "Xarandeira", dorna que estivo a piques de revalidar a tripulantes xa teñen o circuíto aprendido de outros anos. E a certa distancia a "Bazarra", completando deste xeito o triunvirato arousán. A altern propuxérona a "Faisca" e a "Rona", chegadas desde Ogrobe, en cuarta e quinto lugar, agardemos que para o ano remate a cousa cun podium máis repartido.

Seguidamente foron cruzando a liña de meta -*todas elas tras completar as dúas voltas ao circuito-* a "Fuxé", a "Jalerna", a "Caracola", a "Mimela", a "Triñana", a "Lara Doce", a "Maristela", a "Zenaida", a "Laberca".



Cartaz da IV Regata de Dornas do Sepelo



A "Habana" e a "Triñana" durante a súa loita particular

rematar; e igual sorte correu a "Pirrakas", pois Manu esqueceu p que solicitar a axuda das asistencias técnicas para que o remolcasen a terra. Con todo, por segundo ano consecutivo gañou na categoría da dorna máis enxebre. Visto o visto, de cara á edición do ano que ven haberá que ir pensando en trazar unha estratexia de equipa, a ver se deste xeito logramos que quede algúns trofeo na casa. Ou iso ou comezar a premiar ao peor clasificado.

Fora de competición navegaron a "Jatiña", patroneada por Turtle en compañía de Miguel e Óscar, que por primeira vez tivo que retirarse e regresar a porto tras enganchar e rachar a vela nunha das balizas; e a "Surfeira", que capitaneada por Manolo baixo a atenta mirada dunha nutrida tripulación internacional, encargouse de aportar a nota de cor entre tanta vela pálida. Mención aparte merece a participación na regata novísima dorna de tope "A Reboa", sendo esta a súa estrea nunha regata de Amigos da Dorna de Portonovo. Case nada!

En definitiva, a ausencia de incidentes e bo ambiente foron as notas dominantes da IV Regata do Sepelo, e iso é precisamente o que nos anima a continuar aportando o noso humilde traballo para a conservación e posta en valor das embarcacións tradicionais, sobre todo cando a resposta altruista por parte dos nosos patrocinadores e colaboradores é tan xenerosa como foi este ano. E que así continúe por moitos máis. Obrigado a todos eles!



A tripulación da "Paxara" loitando sempre pola vitoria



ASOCIACIONISMO CULTURAL E EMBARCACIÓN TRADICIONAIS NA RÍA DE PONTEVEDRA

A partir dos anos 60 Galicia sufriu un proceso de perda de grande parte do seu patrimonio marítimo, sobre todo no tocante ao número de embarcacións das diferentes tipoloxías tradicionais, motivado polos avances tecnolóxicos aplicados á navegación e polo cambio do modelo socioeconómico que supuxo a expansión do fenómeno turístico en detrimento do sector pesqueiro. Así, nos anos 80 soamente ficaban un feixe de pequenos barcos que lograron sobrevivir de xeito marxinal á particular revolución industrial do sector marítimo galego, evitando a súa desaparición definitiva.

Nun panorama tan desolador como ese comezaron a xurdir a comezos dos 90, primeiro na ría de Arousa e pouco a pouco por toda Galicia, unha serie de asociacións culturais preocupadas pola recuperación deste importante patrimonio, desfacendo o camiño de destrución e desmemoria que se producira nas décadas precedentes. Deste xeito chega a Galicia, se ben con moito retraso con respecto a outros países europeos, o fenómeno da recuperación e posta en valor do patrimonio marítimo, en xeral, e das embarcacións tradicionais, en particular, como práctica apreciada socialmente e apoiada nun incipiente marco asociativo do que os diferentes portos da ría de Pontevedra tamén foron partícipes.

ASOCIACION DE AMIGOS DA DORNA DE PORTONOVO

A mediados dos 90 dende Portonovo ollábase con envexa para os diversos eventos que desde había uns anos viñan organizando algunhas asociacións de diversas vilas próximas e que tiñan como finalidade a recuperación e difusión da cultura marítima galega e especialmente das embarcacións tradicionais. Así foi como a finais de 1997 un grupo de amigos decide fundar a Asociación para a Conservación da Cultura Mariñeira da Ría de Pontevedra "Amigos da Dorna de Portonovo".



A "Bicoca" na Regata do Bao (2008)

O primeiro paso foi facerse cunha dorna xeiteira propia, "A Jatiña". Con ela e con algúna outra dorna particular os intrépidos socios fundadores comenzaron a facer prácticas de navegación, primeiro pola ría de Pontevedra e despois por toda Galicia e parte de Europa. E como parece que lles gustou, no tardaron en aumentar a flota co "Platuxa" e a dorna polbeira "Bicoca". Mais como non so de velear vive o home, nestes anos, entre outras actividades, organizamos tres Concentracións de Embarcacións Tradicionais "Travesías de San Roque", catro "Regatas do Sepelo", nove festas do "Enterro da Sardiña", seis "Cachadas de San Xoán" e publicamos doce edicións de "O Cabeso". Ademais, despois de moitos suspiros, por fin inauguramos o noso local e, o que é máis importante, conseguimos que o número tanto de embarcacións como de interesados na navegación tradicional fose en aumento ano tras ano.

ASOCIACIÓN DE AMIGOS DAS EMBARCACIÓN TRADICIONAIS "OS GALOS"

En decembro de 1999 nunha reunión de amigos nun bar de Bueu nace a Asociación de Amigos das Embarcacións Tradicionais "Os Galos". Como non podía ser doutro xeito, tantas eran as súas ansias por traballar a prol da cultura marítima, que un ano despois xa estaban a organizar a súa actividade principal, o Encontro de Embarcacións Tradicionais de Bueu, que xa vai pola XV edición. Pero a súa labor exténdese moito mais alá e entre outros eventos que teñen organizado por conta propia ou en colaboración con distintas administracións, como a Xunta de Galicia, o Concello de Bueu ou o Museo de Pontevedra, encontramos diversas actividades para achegar a cultura marítima á poboación, posibilitando incluso o seu contacto coa navegación tradicional. Ademais, dende o ano 2006 editan a Revista de Divulgación da Cultura Marítima e Fluvial "Os Galos", que vai polo quinto número.

Alén das súas actividades ordinarias, eles mesmos séntense especialmente orgullosos por ter organizado a cerimonia homenaxe ao profesor Staffan Mörling, nomeado "fillo adoptivo" de Bueu no ano 2007, e por encabezar a loita pola recuperación e conservación do estaleiro de Purro, única carpintería de ribeira tradicional que áinda se conserva na ría de Pontevedra.

Actualmente, a asociación conta con seis barcos listos para saír ao mar: o bote polbeiro "As Lagoas", as dornas "Banda do Río", "Can do Penedo" e "Robaleira", o bote xeiteiro "Os Galos" e a traíña "Pescadoira". Mais son perto de vinte as embarcacións tradicionais que teñen repartidas entre os pantaláns, o estaleiro de Purro e a cetaria de Pescadoira, a maioría das cales procede de doazóns privadas.



Purro traballando na traíña "Pescadoira"

CLUBE MARIÑO "A REIBOA"

O Clube Mariño "A Reiboa" nace no mes de marzo de 2001 no Concello de Poio, mais o seu precedente está na Asociación de Veciños "Boureante", na que un grupo de socios levaba traballando desde 1996 na recuperación e difusión de embarcacións tradicionais. Así, nese ano constrúen a buceta "A Boureante" nos estaleiros Amado, do Freixo (Outes), e en 1997 comezan a restaurar o pequeno galeón "Luisa".

O número de persoas interesadas na cultura marítima e os froitos do seu traballo foron en aumento, de xeito que viron a necesidade de crear unha nova asociación. E así foi como deciden fundar "A Reiboa", pasando a facerse cargo das dúas embarcacións comentadas, ás cales se irán unindo os barcos de varios socios. Mais en "A Reiboa" non se dedican exclusivamente á conservación das embarcacións, senón que tamén organizan unha serie de eventos encamiñados á difusión deste valioso patrimonio. De feito, a súa actividade máis recoñecida é a Concentración de Embarcacións Tradicionais de Combarro, que neste ano celebrou a súa XVI edición, sendo ademais o xerme da Festa do Mar que organiza o Concello de Poio.



Pantalán de embarcacións tradicionais de Combarro

Ademais, no 2011 culminaron dous importantes proxectos: a botadura do seu primeiro barco propio, a dorna de tope "A Reiboa", e a cesión por parte de Portos de Galicia dun pantalán exclusivo para embarcacións tradicionais no peirao da Chousa, en Combarro. Así, hoxe amarran alí un galeón, una buceta, unha dorna de tope, seis dornas polbeiras e unha gamela de Coruxo, conformando un auténtico museo flotante coa maioría das tipoloxías de embarcacións tradicionais de ría de Pontevedra.

GRUPO CULTURAL RONSEL

A última incorporación ao selecto grupo de asociacións dedicadas á conservación da cultura marítima tradicional na ría de Pontevedra foi o Grupo Cultural Ronsel, do Seixo, en Marín, que áinda que leva en activo desde 1993 organizando multitud de actividades culturais, foi no ano 2007 cando se interesaron pola recuperación de embarcacións tradicionais. Así, decidiron mercar unha dorna, que xunto con dous "choupáns" (botes de dúas proas e quilla plana), conforman a flota coa que participan en representación de Marín nas distintas concentracións que organiza a Federación.

Alén diso, desde hai dous anos organizan a Xuntanza de Embarcacións Tradicionais de Marín, dentro da programación das xornadas "O Mar de Marín" e, ao igual que tódalas asociacións que nos dedicamos á cultura marítima tradicional, están comprometidos coa defensa do litoral, centrando parte dos seus esforzos na concienciación social da degradación da praia de Aguete debido ás obras no peirao próximo.

BAR LONXA
viños e tapas



MANEIRAS
MODA PORTONOVO

X ENCONTRO DE EMBARCACIÓNIS TRADICIONAIS DE GALICIA, EN CARRIL

No sábado 25 de xuño comezaban en Vilaxoán os festexos previos ao X Encontro de Embarcaciónis Tradicionais de Galicia, que nesta ocasión íase celebrar en Carril. E para alí puxemos rumbo coa "Jatiña", na compañía dos nosos amigos de "Os Galos", de Bueu, cos que coincidimos durante a singradura.

No mércores 30 voltamos á ría de Arousa para facer xunto con toda a flota amarrada en Vilaxoán a travesía ata Carril, onde comezaba oficialmente o Encontro. Así, con vento fresco do norte, arrincamos cun "ris colleito" rumbo a Carril na "Jatiña". Navegando polo mar de Cortegada, entre "espichos" de viveiros e sorteando as correntadas, Chapela, Nardo, Xoel e Anxo, a bordo da nosa "dornasa" protagonizaron unha espectacular arribada a porto, aplaudida polos alí presentes e retratada na portada de El Correo Gallego do día seguinte.

Enrique Beatas entra en el gran club de los Gallegos del Año [PÁGINA 48]

Se triplica en diez años la obesidad entre niños en Galicia [PÁGINAS 20 y 40]

elCorreogallego Director JOSÉ MANUEL REY NÓVOA Fundado en 1878 www.elcorreogallego.es N° 40.727

VIERNES 1 DE JULIO DE 2011

Las instituciones de ayuda social se ahogan en la crisis

• 20% de recorte medio en las subvenciones a entidades tan emblemáticas como Proyecto Hombre o Cáritas de Vigo// "Yo me doy por vencido y tendremos que cerrar servicios" para toxicómanos, advierte Ramón Gómez

TITÁNICO ESFUERZO POR SOBREVIVIR [Pág. 8 y 7]

Más de 150 barcos tradicionales en Carril

DORNAS EN EL MAR DE AROUSA. Una flota de 150 barcos que participan en el X Encuentro

FOTOGALERÍA [Pág. 40] Carril se convierte desde hoy en punto de encuentro de 150 barcos trasatlánticos. La muestra es clara, a la que asisten embarcaciones tripuladas de España y Portugal, se prolongará hasta el domingo. La gran fiesta de la cultura marítima en Galicia tiene carácter binacional y se celebra desde hace casi dos décadas. (Foto: Daniel Soto)

Conde Roa asume hoy la Alcaldía de Santiago ante los pesos pesados

Bugallo deja el despacho noble tras trece años y se instala en la planta baja/Se lleva las fotos con su hija, con el Rey y con Zapatero [Pág. 22-23]

El Conde Roa asume hoy la Alcaldía de Santiago ante los pesos pesados

PAULO ALMILLERO [Pág. 16]

Más caros ya desde hoy la luz, el butano y el gas natural

Quintana deja O Horreo para crear una Brasil una empresa

MONICA AGUILERA Santiago

El Sergas rectifica cada nombre genérico que hablaba de Ministerio de Pajín. Los cuatro últimos años se han vendido más de 12 millones al año y de dos a tres millones más que el resto de los gallegos.

EL SERGAS [Pág. 8-9]

Apresados en solo medio año 53 pirómanos que autorice Pajín

J. FERNANDEZ Y M. GONZALEZ

El Sergas rectifica cada nombre genérico que hablaba de Ministerio de Pajín. Los cuatro últimos años se han vendido más de 12 millones al año y de dos a tres millones más que el resto de los gallegos.

EL SERGAS [Pág. 8-9]

Para muestra, un botón...

MONICA AGUILERA Santiago

El Sergas rectifica cada nombre genérico que hablaba de Ministerio de Pajín. Los cuatro últimos años se han vendido más de 12 millones al año y de dos a tres millones más que el resto de los gallegos.

EL SERGAS [Pág. 8-9]

AMIGOS DA DORNA DE PORTONOVO

Rúa Ramón Valenzuela Nº 6
36970 Portonovo (Pontevedra)
Teléfonos: 647132552/650116126
correo@amigosdadorna.org
www.amigosdadorna.org
-atópanos tamén en facebook-

Ao pequeno peirao de Carril foron chegando máis e más embarcacións tradicionais para unirse ás que alí esperábamos, entre elas unha ampla flota de galeóns, dornas nai, de tope, xeiteiras, mecas, polbeiras, ghamelas de A Guarda, de Coruxo, bueltas, un trincado da ría de Ferrol (cun ghalo a bordo incluído), botes de Cesantes, lanchas xeiteiras e, como non, os anfitrións, os botes de Carril. E de seguro que algunha outra tipoloxía fica sen citar, porque foron arredor de 150 as embarcacións que se deron cita en Carril, das cales cinco fixérono en representación da nosa asociación: a "Jatiña", a "Bicoca", a "Surfeira", a "Habana" e a "Secreta".

Os días continuaron entre navegacións, visitas á illa de Cortegada, comidas e ceas de confraternidade, concertos de bandas locais e dos incombustibles da Viñalar Fantastic Band, tabernas, gaitas, más gaitas, festa, más festa, e entre todo iso moitas anécdotas que gardar na memoria. E unha vez máis, os Amigos da Dorna de Portonovo deixamos pegada coa nosa presenza no maior evento da cultura marítima na península ibérica.

Non podemos deixar de comentar que días antes do Encontro convocárase unha reunión de urxencia para tratar o axuste orzamentario e tomar a decisión de celebrar ou non o evento. Con certeza, tirouse para adiante contra vento e marea pese a non contar coa colaboración da recén estreada corporación municipal de Vilagarcía. Así, a Federación Galega pola Cultura Marítima e Fluvial e todas as asociacións que fan parte dela, entre as cales se encontra Amigos da Dorna de Portonovo, fomos quen de sacar adiante un evento que resultou todo un éxito e do que, sen dúbida, debemos aprender unha importante lección: que a base de compromiso e colaboración podemos continuar a difundir o noso patrimonio, incluso cando a situación non é propicia a nivel económico. Porén, baixo ningún concepto podémonos permitir abandonar un camiño que se comezou a trazar en Ribeira en 1993 e que desde entón uniu dez vilas en outros tantos Encontros. Ata o próximo!

TEXTOS

Anxo Telmo
Alejandro Piñeiro
J. Luis González
Diana Bernárdez
Joaquín Fabeiro
Antón Pousada

IMAXES

Vicente Fernández
Luis Dobarro
Cecilia Touceda
Alejandro Piñeiro
Anca Vintila
Sara Touceda